



Pingsköp fyrir Landssamband lögreglumanna

I. Þingsetning o.fl.

1. grein

Formaður Landssambandsins setur þing og stjórnar fundi, þar til kosning þingforseta hefur farið fram.

2. grein

Þegar að þingsetningu lokinni skilar kjörbréfanefnd álit sínu. Framsögumaður hennar stjórnar nafnakalli, er fer fram áður en formaður leitar atkvæða um kjörbréf, þegar að lokinni samþykkt kjörbréfa fer fram kosning þingforseta.

Tekur hann þegar við störfum og lætur fara fram kosningu varaforseta, ritara og vararitara og nefndanefndar.

II. Verksvið forseta og umræður

3. grein

Forseti stjórnar fundum. Vilji hann taka þátt í umræðum skal hann láta varaforseta taka við fundarstjórn á meðan. Rísi ágreiningur um þingsköp, úrskurðar forseti.

4. grein

Forseti skal gefa mönnum orðið í sömu röð og þeir hafa kvatt sér hljóðs. Ef fleiri en einn kveðja sér hljóðs samtímis, úrskurðar forseti í hvaða röð þeir skuli taka til máls. Ræður skal flytja úr ræðustóli.

5. grein

Engir aðrir en framsögumenn meiri og minni hluta mega taka oftast en tvisvar til máls við sömu umræðu. Forseta er leyfilegt að takmarka ræðutíma með samþykki þingfundar.



6. grein

Forseti gætir góðrar reglu á fundum. Ef ræðumaður heldur sér ekki við umræðuefnið eða viðhefur ótilhlýðileg orð, varðar það áminningu frá forseta, sem þá hefur vald til að taka orðið af ræðumanninum.

7. grein

Eigi má, nema með leyfi forseta, lesa upp prentað né skrifað mál, annað en nefndaálit og tillögur.

III. Tillögur og atkvæðagreiðsla

8. grein

Allar tillögur skal gera skriflega og afhenda forseta. Bera skal þær undir atkvæði í sömu röð og þær hafa verið lagðar fram, sbr. þó 12. gr. Séu fleiri en ein tillaga í sama máli, skal þó fyrst bera upp þá tillöguna, sem lengst gengur.

9. grein

Breytingatillögu skal bera upp á undan aðaltillögu. Breytingatillögu, sem kollvarpar eða breytir aðaltilgangi annarrar tillögu, má ekki taka til greina.

10. grein

Breytingatillögur um að fella úr, bæta í eða auka við tillögu skal bera upp þannig að lesa fyrst upp aðaltillöguna óbreytta, því næst breytingarnar og loks aðaltillöguna eins og hún yrði með breytingum.

11. grein

Forseti hefur heimild til að bera tillögu upp í tveimur eða fleiri liðum, en þá því aðeins að hver liður sé sjálfstæður og skiptingin geri tillöguna elli óljósa.

12. grein

Forgangstillögur eru, og í þessari röð:

1. Tillaga um að ganga þegar til atkvæða.
2. Tillaga um að vísa máli frá.
3. Tillaga um að taka fyrir næsta mál á dagskrá.
4. Tillaga um að fresta máli.
5. Tillaga um að vísa máli til annars valds.

Tillögur undir 1. tl. má ekki ræða.



13. grein

Tillögu, sem hefir verið felld, má ekki bera upp aftur á sama þingfundí. Með samþykki minnst 2/3 hluta atkvæða má þó taka málið upp á ný síðar á þinginu.

14. grein

Heimilt er tillögumanni að taka aftur tillögu á hvaða stigi máls sem er, en öðrum fulltrúum er heimilt að taka hana upp á ný.

15. grein

Atkvæðagreiðsla fer fram með handauppréttingu. Nafnakall skal viðhafa, ef þess er óskað.

Allsherjaratkvæðagreiðsla samkvæmt 16. gr. laga LL skal fara fram með nafnakalli, og hefir þá hver fulltrúi þá atkvæðatölu, sem fram kemur, þegar félagatölu svæðisdeildar hans er deilt með tölu kjörinna fulltrúa frá þeirri svæðisdeild.

IV. Kosningar

16. grein

Þegar nefndanefnd hefur verið kjörin skv. 13. gr. laga LL skal nefndin skipa þingfulltrúa í nefndir þingsins. Þingnefndirnar skulu undirbúa ályktanir og vinna áfram með þær tillögur sem þeim berast og vera tilbúnar með drög að ályktunum og nefndarálitum fyrir upphaf þings.

Ókjörgengir í nefndina eru þeir fulltrúar, sem sitja í aðalstjórn félagsins svo og forseti og aðalritari þingsins.

17. grein

Á hverju þingi starfi eftirtaldar nefndir:

1. Fjárhagsnefnd, skipaða 3 mönnum.
2. Starfskjaranefnd, skipaða 3 mönnum.
3. Allsherjarnefnd, skipaða 3 mönnum.
4. Uppstillingarnefnd, skipaða 3 mönnum, er geri tillögur um kjör nefnda sem kosnar eru á þingi og skoðunarmanna.
5. Laganefnd, skipaða 3 mönnum. Nefndin skipuð ef þurfa þykir.

Tillögur nefndanefndar og uppstillingarnefndar svipta ekki einstaka fundarmenn tillögurétti um menn og nefndir eða stjórn.



Kosning nefnda er bundin við tilnefningu og fer fram skriflega, nema eigi séu fleiri tilnefndir en kjósa á, en þá eru nefndarmenn sjálfkjörnir.

Kjörgengir til starfa í fastanefndum eru einungis kjörnir fulltrúar með atkvæðisrétt á þingi LL.

18. grein

Sá sem fær flest atkvæði í nefnd eða er fyrst tilnefndur, kveður nefndina saman til fyrsta fundar og stjórnar þar kosningu formanns. Síðan fer fram kosning ritara og framsögumanns.

19. grein

Þegar kosning er bundin, má ekki kjósa um aðra en þá, sem tilnefndir hafa verið.

Ef meirihluta greiddra atkvæða þarf til að ná kosningu og það atkvæðismagn næst ekki í fyrstu umferð, skal kosið að nýju um þá, sem ekki náðu kosningu.

Verði kosning þá ekki heldur lokið, skal kjósa um þá, sem flest atkvæði fengu, en ekki náðu kosningu í annarri umferð, þannig að tveir séu í kjöri um hvert sæti.

Ef 2 eða fleiri fá jafnmörg atkvæði, ræður hlutkesti úrslitum.

20. grein

Atkvæðaseðill er ógildur, ef á honum eru nöfn manna sem ekki eru í kjöri eða ef ekki eru greidd atkvæði jafnmörgum mönnum og kjósa á.

Auður seðill telst ekki til greiddra atkvæða.

V. Breyting þingskapa

21. grein

Þingsköpum þessum má breyta á reglulegu þingi LL með 2/3 greiddra atkvæða.